

**ՄԵՐ ՀԱՅՐԵՐՈՒՆ ԽՐԱՏՆԵՐԸ**

**ՓՈՐՉՈՒԹԵԱՆՑ ՄԷՁ  
ՅԱՐԱՏԵՒՈՒԹԻՒՆ՝ ՔՐԻՍՏՈՍԻ  
ՕՐԻՆԱԿՈՎ  
ԵՐԲԱՅԵՑԻՆԵՐՈՒՆ ՆԱՄԱԿԷՆ  
12.1-7**

Ուրեմն մենք այլ, որ այսօր քաղաքի վկաներով շրջապատուած ենք, վաճառքի ամէն խոչընդոտ եւ մէկ կողմ ձգելով մեզ, որ մեզ դիւրաւ կը պաշարէ, եւ համբերատարութեամբ պայքարին մեզի ներկայացող փորձութիւններուն դէմ: Մեր աչքերը յարեմք Յիսուսի, մեր հաւատքի հիմնադիրին ու կատարելագործողին, որ գիտնալով թէ ի՛նչ ուրախութիւն կը սպասէ իրեն՝ արհամարհեց ամօքը, յանձն առաւ խաչի վրայ մեռնիլ եւ Աստուծոյ աթոռին աջ կողմը նստաւ:

Որպէսզի երբեք չյուսալուիք եւ չտկարանաք, մտաբերեցէ՛ք, թէ Յիսուս ինչպիսի համբերութեամբ կրեց մեղաւորներու հակառակութիւնները: Դուք տակաւին ձեր արիւնքը թափելու չափ դիմադրութիւն ցոյց չտուիք մեղքի դէմ պայքարին մէջ:

**ԵՐԲԱՅԵՑԻՆԵՐՈՒՆ ՆԱՄԱԿԷՆ 12.5-9**

... Ուստի համբերութեամբ ընդունեցէ՛ք Աստուծոյ խրատը գիտնալով, որ հօր մը պէս կը վարուի ձեզի հետ: Կա՞յ գաւակ մը, որ իր հօրմէն յանդիմանութիւն ստացած չըլլայ: Ընդհակառակը, եթէ Աստուծոյ ձեզ չյանդիմանէ, ինչպէս կ'ընէ իր բոլոր որդիներուն, կը նշանակէ, թէ իր գաւակները չէ՛ք եւ խորթ է՛ք իրեն: Մեր մարմնաւոր հայրերը, երբ մեզ յանդիմանեն, կը դադրի՞նք գիրենք յարգելէ: Ո՛չ: Ուրեմն, որքան աւելի եւս հնազանդ պէտք է ըլլանք հոգիներու հօր, որպէսզի կեանք ունենանք:

**ԾԻՍԱԿԱՆ ԳԻՏԵԼԻՔՆԵՐ**

**ԱԶԳԱՅԻՆ ԱՌԱՋՆՈՐԴԱՐԱՆ  
\*\*\*\*\***

Թեմական կեանքէն ներս Առաջնորդարանը այն կառոյցն է, ուր կը գտնուի առաջնորդին աշխատասենեակը պաշտօնական հիւրերը ընդունելու դահլիճը, Ազգ. վարչութեան ժողովասենեակները, եթէ հնարաւորութիւն ունի, խորհուրդներու ժողովասենեակները, քարտուղարութեան գրասենեակը, ուր միանգամայն կը պահուին ժողովներու ատենագրութեանց տետրակները, թղթակցութեանց պատճենները, հաշուապահական տոմարները, թեմի եկեղեցիներու խորհրդակատարութեանց տոմարները, այլ խօսքով՝ թեմի բոլոր արխիւները:

Բայց Առաջնորդարան հասկացողութիւնը լոկ ժողովատեղի կամ արխիւատուն չէ, այլ՝ թեմական կեանքին կորիզն է ան, ընդհանուր վերահսկողը՝ թեմին կրթական բոլոր ծրագիրներուն, շրջանի հայ կեանքը իր բոլոր երեսներով առողջ պահող, ժողովուրդին բացուող, ժողովուրդին ծառայութեան կոչուած հաստատութիւնն է ան, որ իր առաքելութեամբ եւ ներհուն աշխատանքով պէտք է դառնայ ուղղութիւն տուող փարոս հայ կեանքէն ներս:

Հոգեւոր կեանքի ծաղկման, եկեղեցիներու պայծառութեան, ազգային դիմագիծի պահպանման մղիչ սատարողը պէտք է ըլլայ Ազգային Առաջնորդարանը:



**ԱԶԳԱՅԻՆ ԱՌԱՋՆՈՐԴԱՐԱՆ ԼԻՔԱՆԱՆԻ**

**ՔՈՒ ԽՕՒԲԻ ԽՄ ՈՅԵՐՈՒՄ ԵՐԱԳ Է ՈՒ ԽՄ ԵԱԽԴՆԵՐՈՒՄ ԼՈՅՍ (Ս, 119.105)**

**ԺՁ. ՏԱՐԻ ԿԻՐԱԿԻ, 16 ԱՊՐԷԼ 2023 ԹԻՒ 16**

**ԿԻՐԱԿԻ ՕՐԵՐՈՒ ԱՍՏՈՒԱԾԱՇՆԱԿԱՆ ԸՆԹԵՐՑՈՒՄՆԵՐ**

**Գրծ. 5.34-6.7: Յկ. 3.1-12: Յհ. 1.1-17**

**ՆՈՐ ԿԻՐԱԿԻ (ԿՐԿՆԱԶԱՏԻԿ)**

**Աւետարան ըստ Յովհաննէսի 1.1-17**

Աշխարհի ստեղծագործութենէն առաջ գոյութիւն ունէր Բանը: Բանը Աստուծոյ հետ էր եւ Բանը Աստուած էր: Անիկա սկիզբէն Աստուծոյ հետ էր: Անով էր, որ Աստուած ամէն ինչ ստեղծեց: Առանց անոր ո՛չ մէկ բան ստեղծեց: Կեանքը անով սկիզբ առաւ: Եւ կեանքը մարդոց համար լոյսն է՝ որ խաւարին մէջ կը փայլի. բայց խաւարը չկրցաւ հասկնալ զայն:

Յովհաննէս, որ Աստուծոյ կողմէ որկուած մարդ մըն էր, եկաւ Լոյսին համար վկայութիւն տալու, որպէսզի ամէն մարդ անոր միջոցաւ հաւատայ: Ինք Լոյսը չէր, այլ՝ Լոյսին համար վկայ մը: Բանն էր ճշմարիտ Լոյսը, որ աշխարհ գալով՝ կը լուսատրէ ամբողջ մարդկութիւնը: Աշխարհի մէջ էր անիկա, աշխարհը իրմով ստեղծուեցաւ, սակայն աշխարհը զինք չճանչցաւ: Իր իսկ ստեղծած աշխարհը եկաւ, բայց իր իսկ ստեղծած մարդիկը զինք չընդունեցին: Իսկ զինք ընդունողներուն եւ իրեն հաւատացողներուն իշխանութիւն տուաւ Աստուծոյ որդիներ ըլլալու. ո՛չ արեան ճամբով եւ ո՛չ մարմինի կամ մարդկային կամքով, այլ՝ Աստուծմէ ծնելով:

Եւ Բանը մարդ եղաւ եւ մեր միջեւ բնակեցաւ, եւ մենք տեսանք անոր փառքը: Փառքը Միածինին, որ Հօրմէն եկաւ՝ շնորհքով եւ ճշմարտութեամբ լեցուն:

Յովհաննէս անոր մասին վկայեց, յայտարարելով.՝ Ասիկա է ան՝ որուն մասին կ'ըսէի. «Ան որ ինձմէ առաջ գոյութիւն ունէր»:

Անոր լիառատ շնորհքն է, որ մենք բոլորս շնորհքի վրայ շնորհք ստացանք, որովհետեւ Օրէնքը Մովսէսի միջոցաւ տրուեցաւ, մինչ շնորհքն ու ճշմարտութիւնը՝ Յիսուս Քրիստոսի միջոցաւ:

# ՍՈՒՐԲԵՐ ԵՒ ՏՕՆԵՐ

## ՆՈՐ ԿԻՐԱԿԻ ԿԱՄ (ԿՐԿՆԱԶԱՏԻԿ)

Ս. Զատիկի յաջորդող Կիրակին կը կոչուի Նոր Կիրակի կամ Կրկնագատիկ: Յիսուս Յարութենէն յետոյ յանախակի առիթներով երեւցաւ Իր աշակերտներուն: Յարութեան ութերորդ օրը, Յիսուս դարձեալ երեւցաւ անոնց: Այնտեղ էր նաեւ Թովմաս առաքեալը, որ Յարութեան օրը չէր տեսած Տէրը եւ ըսեր էր. «Մինչեւ որ գամբրուն հետքերը չտեսնեմ անոր ձեռքերուն մէջ ու մատներս չդնեմ գամբրուն տեղերը եւ ձեռքս չդպցնեմ Անոր կողին, չեմ հաւատար» (Յովհ. 20.25): Յիսուս կը հրաւիրէ Թովմասը, որ իր ձեռքերը կողին մէջ խրէ եւ շօշափէ: Բայց ան միայն կը բացագանչէ՝ «Տէ՛րս եւ Ա՛ստուածս»:

Յիսուս կ'ըսէ անոր. «Զիս տեսնելուդ համար հաւատացիր, չէ՞: Երանի՛ ա՜նոնց, որոնք առանց զիս տեսնելու կը հաւատան»: Եկեղեցին, այս յիշատակը կը տօնէ որպէս նաւակատի՛ք Զատիկի: Յոյները Նոր Կիրակին կը կոչեն Թովմասի Կիրակի:

Կիրակի կամ Կիրակէ յունարէն բառ է, որ կը նշանակէ Տէրունի օր: Սկզբնական շրջաններուն տարածուած չէր Կիրակի բառը, այլ կը գործածուէր Միաշաբաթ անունը, որպէս շաբթուան առաջին օրը, երբ Քրիստոս յարութիւն առաւ մեռելներէն:

Հետագային է, որ Միաշաբաթի փոխարէն տարածուեցաւ յունարէն Կիրակի բառը:

Կիրակի օրուան համար Առաքելական 34 կանոններու երկրորդը հետեւեալ հրահանգը կու տայ. «Բոլոր Կիրակի օրերը տօն կ'ըլլայ եւ պատարագ կը կատարուի, կը կարդացուին մարգարէական Գիրքեր եւ առաքելական Նամակներ, եւ ապա կը կարդացուի Ս. Աւետարան»:

Քրիստոնեաներուն համար Կիրակի օրը հանգստեան օր է: Սակայն սիրելի ընթերցող, հանգիստը տունին մէջ ամբողջ օրը հանգիստ ընել չէ, ո՛չ ալ մինչեւ ուշ ժամեր քնանալ: Ֆիզիքական հանգիստէն աւելի կարեւորը՝ հոգիի հանգստութիւնն է: Եւ այդ հանգստութիւնը կը զգանք պատարագի մասնակցութեամբ, աղօթքով: Կիրակին չանցրեմք քննադատով կամ դատարկ գործերով, այլ՝ աղօթքով:

**ՆՈՐ ԿԻՐԱԿԻ**  
**Զատիկուան յաջորդող Կիրակին է:**  
**Յայտնի է, որ Քրիստոսի յարութեամբ միաշաբաթ օրը նուիրագործը եւ դարձաւ Կիրակի, ուստի անոր յաջորդող միաշաբաթը կոչուեցաւ Նոր Կիրակի կրկնագատիկ՝ Կրկին Զատիկ: Նոր Կիրակին կը խորհրդանշէ Քրիստոսի եկեղեցւոյ հաստատման եւ ծաւալման սկիզբը:**  
\*\*\*\*\*

**Ի՞նչ կը նշանակէ Մայրենի Եկեղեցի:**  
Հայ Եկեղեցին հոգեւոր մայրն է իր ժողովուրդին եւ ժողովուրդն ալ հոգեւոր գաւակն է անոր: Որովհետեւ ժողովուրդը մկրտութեամբ հոգեւորապէս կը ծնի անոր ծոցէն, անկէ կ'առնէ իր հոգեւոր սնունդը եւ կը պաշտպանուի անոր հովանիին տակ ընդդէմ իր հաւատփին, բարոյականին եւ թշնամիներուն: Այս պատճառով կ'ըսուի ՄԱՅՐԵՆԻ ԵԿԵՂԵՑԻ:

# Հ Ո Գ Ե Ի Ո Ր Պ Ա Տ Գ Ա Մ

## «Գտնել» գԱստուած

Կան մարդիկ, որոնք կը կարծեն, թէ Աստուած «կորսուած» է իրենց կեանքին մէջ եւ անկարելի է գանձիկ գտնել: Ոմանք ալ կը խորհին, որ Աստուած անսահմանօրէն հեռու է մարդոցմէ, հետեւաբար, գո՛ւր է գանձիկ օգնութեան կանչելու ամէն ջանք: Եսայի մարգարէն կու գայ պատասխանելու այս երկու խումբի մարդոց ըսելով. «Տէ՛րը փնտոնեցէք, քանի որ անիկա կը գտնուի. գանձիկ կանչեցէք, քանի որ անիկա մօտ է» (Ես. 55.6): ԶԱստուած փնտոնող մարդուն համար՝ գտանելի է Ան: ԶԱստուած կանչողին համար՝ մօտ է Ան: Եթէ կ'ուզեմք «գտնել» գԱստուած, պէտք է գանձիկ փնտոնեմք ինչպէս մայր մը կը փնտոնէ իր կորսուած գաւակը, ինչպէս Ս. Կոյսը փնտոնեց Յիսուսը:

**ՄԻԱՄԵԱԲԱՐ ԱՂՕԹԵՆՔ**  
Տէ՛ր, իջեցո՛ւր, Սուրբ Հոգիիդ շնորհքները իմ վրաս, որ միայնակ եմ պատերազմի մէջ՝ առանց օգնականի: Սրբէ՛, Տէ՛ր, հոգիս տաճարը եւ ինձի հե՛տ եղիր երեկոները: Բա՛ց հոգիս աչքերը եւ լուսաւորէ՛ միտքս ու խորհուրդներս: Զօրութի՛ն տո՛ւր ինձի, Տէ՛ր իմ Յիսուս, եւ ընդունէ՛ օրհնաբանութիւնս: Արթնցո՛ւր զիս գիշերուան խոր քունէն՝ գոհանալու եւ օրհնելու քեզ, որ քաւեմ իմ մեղքերս: Սուգ եւ արտասուք շնորհէ՛ ինձի՝ լալու, սգալու եւ անդադար աղօթելու Զու առջեդ:  
Եփրեմ Ասորի

# ԵԹԷ ԿԱՍ ԵՐԲ Կ՛ՈՒԶԵՍ...

## ԵՐԲ ԱՍՏՈՒԾՈՅ ՊԱՇՏՊԱՆՈՒԹԻՒՆԸ ԿԸ ՓՆՏՈՒՄ ԿԱՐՂԱ՝ Մաղմուս 5 \*\*\*\*\*

Ո՛վ ՏԵՐ, լսէ ինչ որ կ'ըսեմ, նկատի՛ առ հեծեժանքներս: Մտի՛կ ըրէ աղօթքս, ո՛վ իմ Թագաւորս եւ Աստուածս, կ'աղաչեմ քեզի: Ո՛վ ՏԵՐ, առտու կանուխէն լսէ՛ կանչս եւ սպասեմ պատասխանիդ:

Դուն անօրէնութիւն չես սիրեր, ո՛վ Աստուած: Դուն չես կրնար չարիքին հետ հաշտուիլ, հպարտները չես հանդուրժեր, եւ կ'ատես անօրէնութիւն գործողները, սուտ խօսողները կորուստի կը մատնես, արիւնահեղ ու նենգաւոր մարդէն կը զգուիս, ով Տէր: Բայց ես քու անչափ սիրոյդ սպասեմ՝ քու Տունդ պիտի մտնեմ, երկիւղածութեամբ դէպի սուրբ տաճարդ պիտի դառնամ ու երկրպագեմ:

Տէ՛ր, արդարութեամբդ առաջնորդէ զիս, քու ճամբարդ հարթէ՛ իմ դիմացս, որպէսզի դառնամուտ թշնամիներս տեսնեն, որովհետեւ անոնց բերանը ստութեամբ լի է, եւ անոնց սիրտը՝ չարութեամբ լեցուն: Բացաւ զերեզման է կոկորդն անոնց եւ նենգութեան գործիք դարձեր եւ լեզուներն անոնց:

Ո՛վ Աստուած, անոնց յանցանքին պատիժը տուր, իրենց խորհուրդները թող կործանեն զիրենք, որովհետեւ քեզի դէմ ըմբոստացան:

**ԱՄԷՆ ՕՐ ԲԱՆԱՆՔ ՄԵՐ  
ՍԱՂՄՈՍԱԳԻՐՔԸ ԵՒ ԱՆՈՐ  
ՄԷՋԷՆ ՄԵՐ ԱՂՕԹՔԸ ԿԱՏԱՐԵՆՔ  
ԱՌ ԱՍՏՈՒԱԾ**